



Pasian in Mipa hopihin, "Na ut bangbangin huan sunga om khempeuh na ne thei ding hi. Ahih hangin a pha leh a sia theihna singgah pen na nei kei ding hi. Na nek peuhmah leh na si ding hi," a ci hi.

19



Tua ciangin Topa Pasian in "Mipa amah guak a om ding hoihlo hi. Amah a huh ding khat ka bawlsak ding hi," a ci hi. Topa Pasian in gamsung ganhing khempeuh leh huih lak vasa khempeuh Mipa' kiangah hong paipih hi.

20




Mipa in tua ganhing leh vasa nam khempeuhthe a min ding phuhsak hi. Ahizongin tua ganhingte leh vasate sungpanin Mipa' kituahpih ding lawm khat zong omlo hi.

21



Tua ahih ciangin Topa Pasian in Mipa ihmud suak mahmah sak a, ama ihmud kalin a nakguhte khat la-in tua nakguh panin Numei a bawl hi. Pasian' bawl tua Numei pen Mipa' lawm dingin kituak lian hi.

22



Na khempeuh niguk sungin Pasian in piangsak hi. Tua ciangin a nisagihni thupha pia a, tawngakni dingin a siansuah hi. Eden huan sungah Mipa leh a zi ahi, Eve in Pasian' thu mangin nuamsatakina a om uh hi.

23

Pasian In Na Khempeuh A Piansak Lai
 Pasian kammal pana a hong suak hih tangthute
 a nuai a Laisiangtho
 munte ah kimu thei hi
 Piancilna A Lian 1-2

"Na thu gentelna in Khuavaksak hi."
 Late Nambat 119:130

Pasian in mawhna hia a ngaihsut na hoih lo tampi i sep lamtak a hong thei hi. Mawhna thaman in sihna a hihi.
 Pasian in eite hong it mahmah ahih manin, eite' mawhna hanga singlamteh tunga sihna a thuak dingin a tapa Jesu a hong sawl hi. Tu-in Jesu thokikin, vantungah om hi.
 Tua ahih manin Pasian in i mawhnate tu-in hong maisak theita hi.
 Na mawhna pan a na suahtak nop leh Pasian kiangah hih bangin thungen in: Topa Pasian aw, ka Topa Jesu kei a dingin si-in, tu in thokik zo hi, cih ka um hi. Nuntaknathak ka neihna ding leh a tawntung in na kiangah ka hong om theihna dingin, hehpihin ka sungah hong teng in la, ka mawhnate hong maisak in. Amen. Johan 3:16
 Laisiangtho sim in la, Pasian a nisimin hopih in!

Tedim Chin

Pasian In Na Khempeuh A Piansak Lai



A Gelh Edward Hughes
 A Lim lak Byron Unger; Lazarus

A Let S. Thangboi Hatlangh
 A Kaikhawm Bob Davies; Tammy S.

Tangthu 1 pan 60

M1914.org

Bible for Children, PO Box 3, Winnipeg MB R3C 2G1 Canada

Phalna: Hih tangthubu zuaksawn ding ahih kei buang leh teisawn leh khetkhiat kiphal hi.

Eite a hong piangsak kua ahi hiam? Laisiangtho in leitung mihingte piankhiatna thu hong hih hi. Tang lai in, Pasian in mihing masapen bawlin, a min dingin Adam a phuak hi.




Pasian in leivui panin Adam a bawl hi. Pasian in Adam nuntakna hu mop a, tua ciangin amah a nungta mihing a hong suak hi. Huan etlawm mahmah Eden kicihna mun ah amah a teng hi.



1


2

Pasian in Adam a bawl ma-in, a lamdang nate tawh a kidim, a etlawm mahmah Leitung a bawl hi.




3

Mual leh guam, paaknamtuite leh singkung sangte, a etlawm mahmah vasate leh khuait, ngapite leh tengkolte, cih bangin khat khat aban abanin a bawl hi. Tua hi a, Pasian in na khempueh bawl ahil manin na khempueh a hong piang hi.




4

A kipat cil, Pasian in na khat zong a piangsak ma-in, Pasian cih loh bangmah dang a om kei hi. Mihing ahi a, mun leh nate ahizongin a om nai kei hi. Khuavak kici zong om lo a, khuamial kici zong om lo hi. Lamsuk-lamto cih zong om lo a, zanni leh tunni cih bang zong na om lo hi.



5

Pasian bek mah na om a, amah in kipat hun - abul cih bang nei tuan - abul lo hi. Tua ciangin Pasian in a na hong sem hi. A kipat cilin Pasian in vantung leh leitung a piangsak hi.




6

Leitung in lim le meel nei loin a awngthawlp a hihi. Tuipi tung tengah khua mial bikbek hi. Tua ciangin Pasian in, "Khuavak om hen," a ci hi.




7

Tua ciangin khuavak hong om hi. Pasian in khuavak pen 'sun' ci a, khuamial pen 'zan' ci hi. Nitak hong bei in, zingsang hong tunga, nikhatni a hihi.



8

A ninihni in Pasian in tuipi lian leh tuipi neutu sunga om tuite leh dil a om tuite khempueh van kuumpi zangin vantungah kholkhawm hi. A nithumni in, Pasian in "lei keu kidawh hen," ci hi. Tua mah bangin a piang hi.



9

Tua ciangin Pasian in lopate leh paakte, bi leh singkung tuamtuamte hong pianna dingin thu pia leuleu hi.



10

A thupiak bangin lopate, paakte, bi leh singkungte hong piang hi. Nitak hong bei in, zingsang hong tunga, a nithumni a hihi.



11

Tua ciangin Pasian in Ni, Kha leh Aksi tampi simzawh lohte a piangsak hi. Nitak hong bei in, zingsang hong tunga, a nilini a hihi.



12

Tuipi sunga ganhingte, ngasate leh vasate pen Pasian in a piangsak lai dingte a hihi. A ni nga ni in tuipi sunga ngasa golte leh ngasa neutu, leh khe nih nei vasa golte leh a ham ciauciau vasa neutu a piangsak hi. Pasian in leitung, tuipi leh vantung ah nuamsataka a teng dingin ngasa namcin leh vasa namcin a piangsak hi. Nitak hong bei in, zingsang hong tunga, a ningani a hihi.



13

Tua khit ciangin Pasian in, "nuntakna a nei ganhingte leitung in piangsak hen," a ci hi. Tua ciangin innsa, gamsa leh a bokvak ganhing nam khempueh hong piang hi.



14

A lam pai cianga leitung a lingsak - Sai gol pipite leh a manlah den Buite, a khelat mahmah Zawngte leh a lusu duaudau Awlete, a tawn delhdelh Lungnote leh amaitai mahmah Zuleite, a ngawng sang mahmah Sangawngsaute leh Zawhngue tai khiankhiante, leh ganhing nam khempueh tua ni in Pasian in a piangsak hi.



15

Nitak hong bei in, zingsang hong tunga, a nigukni a hihi.



16

Nigukni in Pasian in a tuampi khat - a hoih phadiak khat a piangsak hi. Tu in na khempueh mihing a dingin kimanta hi. Lo ah mihingte neek ding leh ganhingte neek ding an om ta hi.



17

Tua ciangin Pasian in, "Leitung a om khempueh tunga thunei dingin eima lim, eimah hong sunin mihing bawl ni," a ci hi. TUA AHIL MANIN PASIAN IN AMA LIM BANGIN MIHING PIANGSAKIN, PASIAN LIM BANGIN AMAH A PIANGSAK HI.



18